

## HE AHA NGĀ WHAKARITENGA I MURI I TŌ WHAKAPĀNGA TUATAHI MAI KI A MĀTOU

Ko tā te National Office for Professional Standards he kawē i te haepapa kia tika ngā whakahaere mō ngā whakapae tūkino ā-hemahema, whanonga hemahema hē rānei nā ngā āpiha o te hāhi, ngā mema rōpū hāhi rānei, arā, kia piri ki ngā ritenga o tētahi kawa e kīa nei ko **Te Houhanga Rongo - A Path to Healing**.

E ai ki te hunga kua noho hei pāruetanga o te tūkino, kua puta ranei i aua tūkino, ko te tū ki runga ki te tāpae whakapae mō te tūkino, ki te kimi āwhina, tautoko ranei, te mea uaua rawa atu. I a mātou e urupare nei ki ngā whakapae mō te tūkino, e hiahia ana mātou ki te tāpae ara e aronuitia ai tēnei uauatanga, e pōwhiritia ai, e rangona ai ia tangata.

Inā ngā nama waea whakapā mai mō Virginia, mō Jacinta me Clodagh i te National Office for Professional Standards:

**Waea:** 0800 114 622, ki 03 365 1993 rānei

Ehara te nama 0800 i te waea āwhina 24-hāora, engari he whiringa kore utu tēnei. Ko ngā hāora o te tari, Mane-Paraire 9am – 3pm; ahakoa, mehemea kāore mātou i te wātea waihotia mai tō nama me ō taipitopito whakapā i i tō mātou ratonga whakautu, ā, mā mātou tō waea e urupare. Ka taea hoki e koe te whakapā mai ki a mātou mā te īmēra, te tuku reta mai rānei:

<b>Email:</b> <a href="mailto:prof.standards@nzcbc.org.nz">prof.standards@nzcbc.org.nz</a>	<b>Tuhi mai ki:</b> <b>National Office for Professional Standards</b> <b>Pouaka Poutāpeta 10199</b> <b>Phillipstown</b> <b>Ōtautahi</b>
--	---

Ka āhei tētahi māngai mōu te whakapā tuatahi mai; hei tauira, he kaitautoko, he kaitohutohu, he rōia rānei. Mō tēnei whakapāngā tuatahi mai e hiahia ana mātou ki te mōhio ki:

- Tō ingoa, ki tō rā whānau, me ō taipitopito whakapā
- Te momo tūkinotanga i pā
- Te ingoa o te tangata e whakapaetia ana (mehemea e mōhio ana)
- Te rā, te takiwā whānui hoki o te hara
- Te pāriha/kura/wāhi i pā ai te hara
- Mehemea e hiahia ana koe kia whakamāoritia ngā kōrero māu ki tōu reo

He mea tino whakaoho mauri te whāki i ngā āhuatanga katoa mōu, ehara i te mea me pērā i te tuatahi. Mā ngā kōrero i runga ake nei ka āhei mātou te āta titiro i te whakapae hei mahi tuatahi, kia mōhio ai mātou mehemea ka noho haepapa tō mātou tari kia tūhuratia, mehemea rānei me tuku ki tētahi rohe pīhopa, ki tētahi rōpū o te hāhi rānei hei urupare. Mehemea kei roto te whakapae i te aronga o **Te Houhanga Rongo - A Path to Healing ka tohua e mātou he kaitūhura, ka whakaritea he wā kia rangona ai ō kōrero**. Ka āhei hoki tētahi tangata tautoko kia tae ake ki tēnei hui.

He mōtika tāu kia tāpaetia hoki tō whakapae ki ngā Pirihimana, ahakoa te wā. Ki te pēnei, ka whakatārewatia e mātou tā mātou tūhura, kia oti rā anō tā ngā pirihimana. Ki te tautohu te whakapae i tētahi mōreatanga ki ētahi atu tāngata, tērā pea me whakamōhio atu tērā e mātou ki ngā pirihimana.

Mō ētahi atu kōrero mō ngā āhuatanga ka kitea ina tohua he kaitūhura, me whakapā mai koe ki a mātou - mā mātou e whakamārama ngā āhuatanga katoa o tēnei hātepe ki a koe.